

香積佛品第十

(一) 香積飯食

於是，舍利弗心念：「日時欲至，此諸菩薩，當於何食？」

時維摩詰知其意而語言：「佛說八解脫，仁者受行，豈雜欲食而聞法乎？若欲食者，且待須臾，當令汝得未曾有食。」

時維摩詰即入三昧，以神通力，示諸大眾：「上方界分過四十二恒河沙佛土，有國名眾香，佛號香積，今現在，其國香氣，比於十方諸佛世界人天之香，最為第一。彼土無有聲聞、辟支佛名，唯有清淨大菩薩眾，佛為說法；其界一切，皆以香作樓閣，經行香地，苑園皆香，其食香氣，周流十方無量世界。時彼佛與諸菩薩，方共坐食，有諸天子，皆號香嚴，悉發阿耨多羅三藐三菩提心，供養彼佛及諸菩薩。」此諸大眾，莫不目見。

時維摩詰問眾菩薩：「諸仁者！誰能致彼佛飯？」以文殊師利威神力故，咸皆默然。

維摩詰言：「仁此大眾，無乃可恥！」

文殊師利曰：「如佛所言，勿輕未學。」

於是，維摩詰不起於座，居眾會前，化作菩薩，相好光明，威德殊勝，蔽於眾會，而告之曰：「汝往上方界分，度如四十二恒河沙佛土，有國名眾香，佛號香積，與諸菩薩方共坐食。汝往到彼，如我辭曰：『維摩詰稽首世尊足下！致敬無量，問訊起居，少病少惱，氣力安不？願得世尊所食之餘，當於娑婆世界施作佛事，令此樂小法者，得弘大道，亦使如來名聲普聞。』」

時化菩薩即於會前，升於上方，舉眾皆見其去，到眾香界，禮彼佛足，又聞其言：「維摩詰稽首世尊足下！致敬無量，問訊起居，少病少惱，氣力安不？願得世尊所食之餘，欲於娑婆世界施作佛事，使此樂小法者，得弘大道，亦使如來名聲普聞。」彼諸大士見化菩薩，歎未曾有：「今此上人，從何所來？娑婆世界，為在何許？云何名為樂小法者？」即以問佛。

佛告之曰：「下方度如四十二恒河沙佛土，有世界名娑婆，佛號釋迦牟尼，今現在。於五濁惡世，為樂小法眾生，敷演道教；彼有菩薩，名維摩詰，住不可思議解脫，為諸菩薩說法，故遣化來，稱揚我名，並讚此土，令彼菩薩增益功德。」

彼菩薩言：「其人何如？乃作是化，德力無畏，神足若斯！」

佛言：「甚大！一切十方，皆遣化往，施作佛事，饒益眾生。」

於是，香積如來以眾香鉢，盛滿香飯，與化菩薩。時彼九百萬菩薩俱發聲言：「我欲詣娑婆世界供養釋迦牟尼佛，並欲見維摩詰等諸菩薩眾。」

佛言：「可往！攝汝身香，無令彼諸眾生起惑著心；又當捨汝本形，勿使彼國求菩薩者，而自鄙恥；又汝於彼莫懷輕賤，而作礙想。所以者何？十方國土，皆如虛空；又諸佛為欲化諸樂小法者，不盡現其清淨土耳！」

時化菩薩既受鉢飯，與彼九百萬菩薩俱，承佛威神，及維摩詰力，於彼世界，忽然不現，須臾之間，至維摩詰舍。

時維摩詰即化作九百萬師子之座，嚴好如前，諸菩薩皆坐其上；時化菩薩以滿鉢香飯與維摩詰，飯香普薰毘耶離城及三千大千世界。時毘耶離婆羅門、居士等，聞是香氣，身意快然，歎未曾有！

於是，長者主月蓋，從八萬四千人，來入維摩詰舍，見其室中菩薩甚多，諸師子座，高廣嚴好，皆大歡喜，禮眾菩薩及大弟子，卻住一面。諸地神、虛空神，及欲、色界諸天，聞此香氣，亦皆來入維摩詰舍。

時維摩詰語舍利弗等諸大聲聞：「仁者可食！如來甘露味飯，大悲所熏，無以限意食之，使不消也。」有異聲聞念是飯少，而此大眾人人當食！

化菩薩曰：「勿以聲聞小德小智稱量如來無量福慧！四海有竭，此飯無盡，使一切人食，搏若須彌；乃至一劫，猶不能盡。所以者何？無盡戒、定、智慧、解脫、解脫知見。功德具足者，所食之餘，終不可盡；於是鉢飯，悉飽眾會，猶故不餓。」

其諸菩薩、聲聞、天人，食此飯者，身安快樂，譬如一切樂莊嚴國諸菩薩也，又諸毛孔皆出妙香，亦如眾香國土諸樹之香。

(二) 十事八法

爾時，維摩詰問眾香菩薩：「香積如來，以何說法？」

彼菩薩曰：「我土如來無文字說，但以眾香令諸天人得入律行。菩薩各各坐香樹下，聞斯妙香，即獲一切德藏三昧，得是三昧者，菩薩所有功德皆悉具足。」

彼諸菩薩問維摩詰：「今世尊釋迦牟尼，以何說法？」

維摩詰言：「此土眾生，剛強難化，故佛為說剛強之語以調伏之。言：

- ① 是地獄、是畜生、是餓鬼，是諸難處、是愚人生處。
- ② 是身邪行，是身邪行報；
- ③ 是口邪行，是口邪行報；
- ④ 是意邪行，是意邪行報；
- ⑤ 是殺生，是殺生報；
- ⑥ 是不與取，是不與取報；
- ⑦ 是邪淫，是邪淫報；
- ⑧ 是妄語，是妄語報；
- ⑨ 是兩舌，是兩舌報；
- ⑩ 是惡口，是惡口報；
- ⑪ 是無義語，是無義語報；
- ⑫ 是貪嫉，是貪嫉報；
- ⑬ 是嗔惱，是嗔惱報；
- ⑭ 是邪見，是邪見報；

以難化之人，心如猿猴，故以若干種法，制御其心，乃可調伏。譬如象馬，儻悞不調，加諸楚毒，乃至徹骨，然後調伏。如是剛強難化眾生，故以一切苦切之言，乃可入律。」

	<p>⑮ 是慳吝，是慳吝報； ⑯ 是毀戒，是毀戒報； ⑰ 是嗔恚，是嗔恚報； ⑱ 是懈怠，是懈怠報； ⑲ 是亂意，是亂意報； ⑳ 是愚癡，是愚癡報； ㉑ 是結戒，是持戒，是犯戒； ㉒ 是應作，是不應作； ㉓ 是障礙，是不障礙； ㉔ 是得罪，是離罪； ㉕ 是淨，是垢； ㉖ 是有漏，是無漏； ㉗ 是邪道，是正道； ㉘ 是有為，是無為； ㉙ 是世間，是涅槃。</p>	
<p>彼諸菩薩，聞說是已，皆曰：「未曾有也！如世尊釋迦牟尼佛，隱其無量自在之力，乃以貧所樂法，度脫眾生；斯諸菩薩亦能勞謙，以無量大悲，生是佛土。」 維摩詰言：「此土菩薩於諸眾生大悲堅固，誠如所言，然其一世饒益眾生，多於彼國百千劫行。所以者何？此娑婆世界，有十事善法，諸餘淨土之所無有。何等為十？」</p>	<p>① 以布施攝貧窮， ② 以淨戒攝毀禁， ③ 以忍辱攝嗔恚， ④ 以精進攝懈怠， ⑤ 以禪定攝亂意， ⑥ 以智慧攝愚癡， ⑦ 說除難法度八難者， ⑧ 以大乘法度樂小乘者， ⑨ 以諸善根濟無德者， ⑩ 常以四攝成就眾生，</p>	<p>是為十。」</p>
<p>彼菩薩曰：「菩薩成就幾法？於此世界行無瘡疣，生於淨土。」維摩詰言：「菩薩成就八法，於此世界行無瘡疣，生於淨土。何等為八？」</p>	<p>① 饒益眾生，而不望報； ② 代一切眾生，受諸苦惱，所作功德，盡以施之； ③ 等心眾生，謙下無礙； ④ 於諸菩薩，視之如佛； ⑤ 所未聞經，聞之不疑； ⑥ 不與聲聞，而相違背； ⑦ 不嫉彼供，不高己利，而於其中，調伏其心； ⑧ 常省己過，不訟彼短，恒以一心，求諸功德；</p>	<p>是為八。」</p>
<p>維摩詰、文殊師利於大眾中說是法時，百千天人皆發阿耨多羅三藐三菩提心，十千菩薩得無生法忍。</p>		